

寒温條辨

卷三

傷寒溫病條辨目錄卷三

頭目眩辨

咳嗽辨

口燥咽乾辨

咽痛辨

渴辨

漱水不欲嚥辨

嘔吐辨

喘辨

短氣辨

呃逆辨

虯厥辨

厥逆辨

大便自利辨

大便膿血辨

小便不利不通辨

小便自利辨

小便數辨

心悸辨

瘧辨

肉潤筋惕辨

舌捲囊縮辨

循衣抹牀辨

煩燥辨

懊懣辨

怫鬱辨

鬱冒辨

動氣辨

藏結辨

狐惑病辨

百合病辨

主客交病辨

婦女傷寒溫病辨

熱入血室辨

妊娠病辨

產後病辨

小兒溫病辨

傷寒溫病復病辨

凡三十七條

傷寒溫病條辨卷三

頭目眩

眩者。頭旋目黑也。傷寒頭眩。多因汗吐下。虛其上焦元氣之所致也。傷寒邪在半表半裏。表中陽虛。故時時頭目眩。葛根湯。風家多頭目眩。亦當解肌。葛根湯。傷寒論曰。少陽口苦咽乾目眩。小柴胡湯。加天麻川芎。傷寒論曰。陽明病。但頭眩。不惡寒。故能食而咳。其人必咽痛。能食爲陽明中風。四逆散。加天麻桔梗。傷寒論曰。太陽傷寒。誤吐誤下後。心下逆滿。氣上衝胸。

裏虛氣

起則頭眩

表虛陽不足也

脈沈緊

邪在裏不可汗

發汗則動

經身為振振搖者

汗則外動經絡傷損陽氣則不能主持諸脈也

桂苓甘木

湯以溫經益陽或真武湯以實衛止汗按真經云上

虛則眩下虛則厥頭目眩皆屬虛宜溫經補陽之劑

吳氏治傷寒汗出過多頭眩身搖發熱脈虛數人參

養榮湯倍人參加天麻少佐酒炒黃柏二服而愈易

老云頭旋眼黑非天麻不能定少佐黃柏以滋腎水

也若血虛頭眩四物湯加人參天麻氣虛頭眩四君

子湯加天麻川芎伏痰頭眩二陳湯加南星白朮天

麻川芎內兼痰火上攻。再加酒蒸芩竹瀝薑汁。若元氣虛脫者。人參養榮湯。大建中湯。俱加天麻川芎。內傷勞役者。補中益氣湯。加天麻川芎。惟溫病頭目眩。及頭脹。頭痛。頭汗。並目赤。目黃。目不明。目直視。目反折。與傷寒治法不同。俱係雜氣伏鬱中焦。邪熱亢閉。上攻頭目。乃胃家實也。通宜升降散。加味涼膈散。清利之。頭眩疼。量加大黃。目眩赤等證。量加龍膽草。酒炒。

咳嗽

咳謂有聲無痰。嗽謂有痰無聲。咳嗽則有聲有痰也。

肺主氣。形寒飲冷則傷之。使氣逆而不散。衝擊咽膈。令喉中淫淫如癢。習習如梗而咳嗽也。有寒者。有熱者。有停飲者。有在表者。有在裏者。有在半表半裏者。病各不同。治亦有異。如傷寒停飲與表寒相合而咳嗽者。小青龍湯。或金沸草散。停飲與裏寒相合而咳嗽者。真武湯。邪熱在半表半裏而咳嗽者。小柴胡湯。加貝母。知母。天花粉。肺熱去人參。加沙參。凡陰證。手足厥逆而咳嗽者。四逆湯加五味子。若溫病伏熱內鬱。咳嗽。白虎湯。合升降散。小清涼散。加竹葉。若煩悶。

則加味涼膈散增損三黃石膏湯並加桔梗夫咳爲肺疾必待發散而後已然又有不可發散者傷寒論曰咳而小便利不可發汗發汗則四肢厥逆又曰咳而發汗蹇而苦滿腹中復堅此爲逆也不知發汗尤爲溫病所大忌者豈止小便利一節乎又咳而脈數者爲心火刑肺金則死

口燥咽乾

引飲曰渴不引飲曰燥乾凡傷寒少陽邪在中焦口苦舌乾不甚渴脈弦者小柴胡湯少陽脈弦往來寒

熱而嘔。口燥咽乾者。小柴胡湯。口乾少津液。脈浮緊。微數者。白虎加人參湯。陽明無大熱。背惡寒。口燥咽乾者。白虎加人參湯。少陰病。得之二三日。口燥咽乾。急下之。以存津液。大承氣湯。此熱在下焦。燥枯腎水。下不可緩也。若溫病。怫熱內鬱。未有不口燥咽乾者。小清涼散。增損三黃石膏湯。再看兼證。消息之。凡傷寒。汗吐下後。津液少。口燥咽乾。及虛人水衰火旺。口燥咽乾。以補陰益氣。煎加麥冬。黃柏。知母。天花粉。以滋其水。若脈沈足冷者。多難治。溫病下後。須酌之。不

可驟補脈沈足冷宜大下之不可以傷寒例拘也

咽痛

凡傷寒咽痛有多般務宜詳辨不可一例以爲熱也
太陽病誤下脈若浮緊必咽痛此熱邪仍在上膈也
小建中湯加桔梗誤汗亡陽漏風而咽痛此陽虛而
陰氣上乘也乾薑附子湯陽明病六七日不大便熱
蒸頭痛而咽痛者調胃承氣湯熱傳少陰而咽痛者
以其經上循喉嚨故也脈必數而有力證必燥渴引
飲小便秘濇短赤急當下之以泄其熱也大承氣湯

少陰咽痛。四逆瀉利下重者。四逆散加薤白桔梗。少陰病一二日咽痛者。與甘草桔梗湯。卽瘥。此湯爲陰陽通用之劑。少陰病下利清穀。裏寒外熱。脈微欲絕。面赤咽痛。此陰盛格陽也。通脈四逆湯加桔梗。有直中陰經而咽喉驟痛。不腫不渴。始病無發熱頭痛。脈來沈緊而細。或疾數無倫。或嘔吐清水。或瀉利清穀。或燥極悶亂。渴不能飲。此寒氣客於少陰之經。虛陽上逆之候。附子湯。乾薑附子湯。加人參急溫之。或可救療。大抵陽邪上逆而咽痛。宜甘寒以解其熱。陰寒

邪塞而咽痛。宜辛溫以解其結。此大較也。若夫腎氣本虛。龍火勢盛。必挾痰飲於上。而腫痛閉塞也。當破出血。湧泄痰涎。後用六味地黃丸料。加牛膝麥冬五味子頻服。又有真陰虧損。腎水枯涸。陰寒直中。而咽痛者。附子理陰煎。大劑濃煎飲之。若溫病怫鬱中焦。流佈上下。卽見少陰。經口燥舌乾。咽喉腫痛。不利之證。以其脈貫腎。絡於肺。繫舌本故也。增損雙解散。加元參牛蒡子。或增損普濟消毒飲。倍桔梗加荊芥穗。升降散。尤爲對證之藥。

渴

凡傷寒發渴。或因熱耗津液。或因汗下太過。當分六經而治。太陽熱在表。不渴。若熱入膀胱之本。脈浮數。小便不利。微熱發渴者。五苓散。切不可與白虎湯。陽明病。脈長。標熱不惡寒。無汗而渴者。葛根湯。加黃芩知母。減麻黃二錢。若陽明熱傳胃中。本熱惡熱。濺濺汗出而渴。脈洪大而數者。白虎湯。切不可與五苓散。若陽明本熱內實。或蒸蒸而熱。潮熱煩渴。口燥咽乾。大便實者。調胃承氣湯。或大柴胡湯。少陽脈弦數。口

苦咽乾發熱而渴及心煩喜嘔而渴或往來寒熱而渴並宜小柴胡湯去半夏加陳皮知母麥冬天花粉太陰自利則不渴惟少陰則口渴飲水也小便色白者此下虛有寒也脈沈附子湯厥陰渴欲飲水者少少與之愈以其傳經盡欲飲水爲欲愈之候也若身寒厥逆脈滑而口渴者此裏有熱也白虎加人參湯凡陰證煩燥口渴不能飲水此虛陽上迫而爲假熱脈沈足冷者四逆湯加人尿豬膽汁冷飲之若溫病一發卽煩渴引飲以鬱熱自內而達外也故直格曰

傷寒溫病大渴
欲飲涼水而世
醫禁用不解何
故

身熱爲熱在表。引飲爲熱在裏。溫病本熱。身冷不渴。小便不赤。脈不洪數者。未之有也。輕則白虎湯。加白殭蠶。蟬蛻。天花粉。重則增損三黃石膏湯。加大黃。凡病忽欲飲水者。爲欲愈。蓋腸胃燥不能散邪。得水則和其胃氣。汗出而解。若不與水。則乾燥無由作汗。遂至悶亂也。但當察邪熱之輕重。甯少與之。若熱少與多。不能滲化。則停蓄爲支結。喘嘔。下利。腫滿等證。要訣曰。亦有下利清穀。純是陰證。而反見渴者。此陰在下。格陽於上。兼因洩泄。津液旣去。枯燥而渴。雖引飲

景岳此論發前人所未發每見鄉曲人害溫病飲涼水則汗出熱退此卽助陰解熱之義也此卽裏熱清則表邪自解之義也

自少而常喜溫不可投寒劑宜理中湯加附子四逆湯加人參以溫之。○景岳曰水爲天一之精涼能解熱甘可助陰非苦寒傷氣者之比如陽虛無火者其不宜水無待言也。其有陰虛火旺者元氣旣衰精血又涸則津液枯燥多見鼻乾唇裂舌胎黑色二便閉結使非借天一之精何以濟然眉之急故先以冰水解其標繼以甘溫壯水之劑培其本水藥並進無不可也。其有內真寒而外假熱陰盛格陽之證察其元氣非甘溫大補則不足以挽回察其喉舌則此小辛

熱又不可以近口。有如是者。但將甘溫大補之劑煎成湯液。用冷水浸冷。飲之。此以假冷之味解上焦之假熱。而以真熱之性復下焦之真陽。是非用水而實亦用水之意。內經所云伏其所主而先其所因是也。

漱水不欲嚥

傷寒陽明病。凡內有熱者。欲飲水。今欲漱水而不欲嚥。是熱在經裏無熱也。陽明多血多氣。經中熱極。迫血妄行。故知必作衄也。犀角地黃湯加茅花。有太陽表證者。汗之。麻黃湯外證無寒熱。欲漱水不欲嚥。必

發狂。此畜血停留也。桃仁承氣湯下血乃愈。少陰脈
沈細厥逆。時煩燥作渴。欲漱水不欲嚥。四逆湯溫之。
又下利厥逆無脈。乾嘔煩渴。欲漱水不欲嚥。白通湯
不瘥。白通加人尿豬膽汁湯。大抵陰證發燥煩渴。不
欲飲冷水。或勉強飲下。良久仍吐出。或飲水而嘔者。
皆內寒也。蓋無根失守之火。遊於咽噎之間。但欲漱
水不能飲水也。若飲水不吐。復欲飲者。熱也。若溫病
雜氣怫鬱三焦。邪熱內熾。渴欲飲水者多矣。間或有
漱水不欲嚥者。必其人胃中濕。飲過甚。或伏火未散。

或畜血停留俱未可知。但口舌乾而不欲嚥也。輕則小清涼散。升降散。清降之重。則解毒承氣湯。大瀉之。不可拘傷寒陽明熱在經裏無熱之例也。

嘔吐

嘔者。聲物俱出。吐者。無聲出物。傷寒太陽陽明合病。下利而嘔者。葛根加半夏湯。少陽陽明多嘔證。脈弦發熱。口苦而嘔。或寒熱往來而嘔。並宜小柴胡湯。倍半夏生薑。先渴後嘔者。爲水停心下。小半夏加茯苓湯。先嘔後渴者。爲欲解。可與水飲。太陽少陽合病。自

利而嘔者黃芩加半夏生薑湯少陽邪甚發熱嘔不止必下急鬱鬱微煩者大柴胡湯三陽發熱而嘔俱

用小柴胡湯發熱不解而煩伏飲與邪熱相搏作煩悶渴欲飲水

胃乾引水自救水入即吐伏飲內作水不得入名曰水逆五苓散傷寒

本自寒下格醫復吐下之寒格更逆吐下若食入口即

吐乾薑黃連黃芩人參湯太陽誤吐下心中温温温温欲

吐而胸中痛大便溏腹微滿鬱鬱微煩者調胃承氣

湯若未曾吐下者大柴胡湯太陰腹滿或吐食不下

脈沈者理中湯加厚樸陳皮半夏生薑寒甚加附子

少陰脈沈遲。飲食入口即吐。心中温温欲吐復不能

吐。手足厥者。四逆湯。厥陰乾嘔吐涎沫者。吳茱萸湯。

若嘔而脈弱。小便復利。身有微熱。見厥者。難治。可與

四逆湯救之。若下利無脈。乾嘔煩者。白通加人尿豬

膽汁湯。若陰厥嘔而不渴。乾薑附子湯。至於温病嘔

吐者。胃中伏火鬱而攻發也。增損三黃石膏湯。加味

涼膈散。加石膏清利之。自止。若有宿糞燥結。時時嘔

吐者。此為下格。亦宜加味涼膈散。升降散。通之。如病

愈後。脈證俱平。往往有下格之證。所云病愈結存。是

也。但當作哇聲。上下通氣。故不嘔而能食。俟胃氣漸復。津液流通。宿糞自然潤下也。斷不可攻。如下格常嘔。則氣閉矣。通之則宿糞除。而嘔吐止。語云。欲求南風。須開北牖。正謂此也。大抵嘔吐清水。卽爲寒證。若胃中有熱。必是涎液酸水。病機曰。諸嘔吐酸水。液渾濁。皆屬於熱。諸病水液。澄澈清冷。皆屬於寒。此可見矣。凡胃熱甚。服藥嘔吐不納者。愈吐愈服。三服後。火性漸消。然後徐徐用藥。卽不吐。凡過藥不可用甜物。須嚼生薑爲妙。

按傷寒本自寒下句之下字。應是格字。心中溫溫欲吐句。溫溫二字。應是

噓。噓。蓋噓。噓者。乃吐
欬之狀也。皆當改之。

喘

喘無善證。溫病內熱。怫鬱三焦。如焚。氣上衝胸而喘者。加味涼膈散。腹脇滿痛而喘者。解毒承氣湯。若自臍下氣海動氣而喘者。不治。正傷寒則宜辨六經。寒熱治之。太陽表有寒。發喘者。脈浮緊。惡寒無汗也。麻黃湯加厚樸。表有風。發喘者。脈浮緩。惡風有汗也。桂枝加厚樸杏仁湯。內有寒。心下有水。氣乾嘔。汗出而喘者。小青龍湯。凡發汗後。汗出而喘。無大熱者。表寒未解

也。麻黃杏仁甘草石膏湯。太陽經病誤下之。脈促者。表未解也。喘而汗出者。葛根黃連黃芩湯。陽明病。內實不大便。腹滿短氣發潮熱而喘者。大柴胡湯。加厚樸杏仁。凡陰證厥逆。脈沈細而微。氣促而喘。無汗者。可治。四逆湯加細辛五味子。少陰病反發熱。脈沈而喘。麻黃附子細辛湯。凡虛人脈沈。手足厥逆而喘者。五味子湯。凡暴感風寒。脈浮無汗而喘者。蘇陳九寶湯。凡熱甚有痰。脈弦滑數而喘者。不可汗。不可下。小柴胡湯。去人參。加陳皮貝母天花粉和之。胸滿者。加

枳殼桔梗心下滿者。加枳實黃連。舌燥飲水者。加石
膏知母。凡傷寒止於邪氣在表而喘者。心腹必濡而
不堅。設或腹滿而喘。則又爲可下之證。須酌之。大抵
諸喘爲惡。謂肺中邪勝而兼虛也。所以陰證發喘。尤
爲惡候。下元虛損之人。腎氣上乘而喘。急以腎氣丸
料。引火歸源。可救十之一二。若兼動息搖肩。戴眼直
視。汗出厥逆者。立斃。以邪氣上盛。正氣欲脫。必至喘
滿。經曰。直視譫語喘滿者死。又身汗如油。喘不休者。
爲命絕也。

短氣

短氣者。氣短不能相續。似喘而不搖肩。似呻吟而無痛處。其證多端。實爲難辨。表裏寒熱虛實。稍不明切。誤治者多矣。一者太陽表證不解。汗出不澈。其人面色緣緣正赤。陽氣怫鬱。煩燥不安。其身不知痛所在。而短氣者。宜微汗則愈。桂枝麻黃各半湯。二者太陽病發於陽而反下之。陽氣內陷。遂成結胸。心下硬滿高起。氣促而短。脈沈滑而實者。大陷胸湯。脈浮大而虛者。柴胡陷胸湯。三者陽明病內實不大便。腹滿潮

熱而短氣者。大柴胡湯。四者乾嘔。短氣痛引脇下。汗出不惡寒者。此表解裏未和也。十棗湯。控涎丹亦可。五者

短氣煩燥。心中懊懣者。梔子豉湯。六者少陰病。脈沈

細遲。四逆。面上惡寒。有如刀刮。口鼻之氣。難以布息。

而短促者。通脈四逆湯。加人參。七者因汗吐下後。元

氣虛弱。脈來微細。氣不相續。而短促者。大建中湯。八

者風濕相搏。一身盡痛。小便不利。惡風不欲去衣被。

而短氣者。甘草附子湯。九者食少。飲多。水停心下。妨

悶短氣者。茯苓甘草湯。兼小便難。五苓散。大抵心腹

脹滿按之硬痛而短氣者爲裏實宜承氣輩若心腹
濡軟不脹滿而短氣者爲表邪宜瀉心輩若少氣不
足以息脈微弱而短促者爲氣虛宜理中輩此傷寒
短氣之大略也若溫病鬱熱內迫氣多急促須看兼
證舌上白胎如屑清化湯增損三黃石膏湯若胎黃
及黑色而短氣加味涼膈散或解毒承氣湯急下之
若病者屬四損之輩又當詳辨蓋短氣有類於喘但
短氣則氣急而短促不似喘之搖肩而氣粗也大抵
氣急而不相續多屬實少氣不足以息多屬虛以此

辨之百不一失。

呃逆

呃逆者。氣上逆而呃忒也。內經作噦。卽此字之聲也。卽此證也。勿誤作咳逆。咳逆者。咳嗽之甚也。非呃逆也。呃逆者。纔及咽喉則遽止。呃呃然連續數聲。而短促不長也。如傷寒胃熱失下。內實大便硬。呃逆者。脈必應指有力。調胃承氣湯。便軟者。生薑瀉心湯。胃虛有熱呃逆者。橘皮竹茹湯。有痰飲者。脈必弦滑。小半夏生薑湯。脈細微。呃逆者。胃寒也。橘皮乾薑湯。丁香

柿蒂湯。金匱要略曰。其氣自臍下直上。衝於胸噎間。而呃逆者。此陰證也。其病不在胃也。乃肝腎虛寒之極。而挾陰火上衝。以病本下虛。內已伏陰。或誤服寒冷之藥。遂令寒極於下。逼其相火上衝。率集於胃中。而呃逆亦欲盡也。急服腎氣丸料。又病人呃逆。煩燥自覺甚熱。他人以手按之。其肌膚則冷。此爲無根失守之火。散亂爲熱。非實熱也。乃水極似火。陰證似陽也。若不識此。誤用涼藥。下咽立斃。大建中湯。或附子湯。加肉桂乾薑。急溫其下。眞陽回。陰火降。呃忒乃止。

也。如寒極呃忒不已者。兼用硫黃乳香等分爲末。酒煎。麝之。或以艾湯調服。硫黃末二錢。或艾灸中脘關元氣海更妙。凡呃逆而二便不通者。屬實熱。凡呃逆而厥逆自利者。屬虛寒。凡呃逆不尿。腹滿者。不治。凡久病而見呃逆者。此真氣已衰。不治。凡舌短灰黑。及頭汗不得尿。與自利腹痛而呃逆者。不治。凡呃逆脈散者。死。按以上論傷寒呃逆寒熱死生之論。無遺蘊矣。若溫病無陰證。不在此例。怫熱攻發。火性上炎。氣逆而呃呃連聲也。治法各從其本證。而消息之。大概

不外清化。升降。加味涼膈。以清熱導滯爲主。如見白
虎證。則投白虎。見承氣證。則投承氣。膈間痰閉。則用
滌痰湯。滾痰丸。但治本證。呃。自止。其餘可以類推矣。
按呃逆一證。古無是名。俗謂打攔忒是也。其在內經
本謂之噦。因其呃呃連聲。故今人以呃逆名之。於義
亦妥。孫真人云。遍尋方論。無此名。遂以欬逆爲噦。致
令後世訛傳。乃以欬逆嘔吐噦。乾嘔噫氣之類。互相
淆亂。紛紛聚訟。自唐迄今。余用析而判之。曰噦者。呃
逆也。非欬逆也。欬逆者。咳嗽之甚也。非呃逆也。乾嘔

者。無物之吐。卽嘔也。非噦也。噦者。飯食之息。卽噎氣也。非欬逆也。嘔者。有聲有物也。吐者。無聲出物也。後人但以此爲鑑。則異說之疑。可以盡釋矣。

虬厥

陶氏曰。吐虬雖有大熱。忌用冷藥。犯之必死。胃中有寒。則虬上膈。大凶之兆。急服理中安虬散。待虬定。卻以小柴胡湯退熱。此說謬甚。又傷寒吐虬。責於寒。雜證吐虬。責於熱。此說亦謬。紛紛聚訟。迄無定見。余按傷寒七八日。脈微而厥。膚冷。其人躁無暫安時者。此

爲藏厥非虵厥也。四逆湯主之。至於肝藏。或寒或熱。以致胃無穀氣。虵不安其位。至咽而吐。須看六證。消息治之。如寒則靜而復時。煩宜烏梅丸。理中安虵散。如熱則煩嘔不止。宜黃連解毒湯。白虎湯。俱加川楝子。使君子。烏梅。此大略也。若治溫病。而用理中。烏梅。正如抱薪投火。輕病致重。重病致危。蓋溫病無陰證。若至吐虵。則表裏三焦。熱鬱亢極。不思現在事理。徒記紙上文詞。因之誤人甚衆。胃熱如沸。虵動不安。下氣不通。必反於上。虵因嘔出。此常事也。酌用增損三。

黃石膏湯。加味涼膈散。俱加川楝子。使君子。烏梅。則
熱退而虵自不出耳。大抵胃腕忽痛忽止。身上乍寒
乍熱。面上時赤時白。脈息條亂條靜。皆吐虵之候也。
須早辨之。

厥逆

厥逆。陰陽之氣不相順接。手足寒涼。便爲厥也。凡有
四逆者。便當早察寒熱虛實而施治。大抵病至發厥。
正氣已極。但有陰厥陽厥之分。辨之一差。死生立判。
凡傷寒陽厥者。必先因熱甚不解。而後發厥也。仲景

曰。厥深熱亦深。厥微熱亦微。是也。切其脈。雖沈而有
力。四肢雖涼。有時而溫。或手足心溫。戴氏以爲指甲
卻煖。大便燥實。譫語發渴。揚手擲足。畏熱喜冷。與之
冷水則熯。此乃陽厥之候。仲景曰。厥逆手足冷。脈滑
者。裏有熱也。白虎湯主之。劉河間曰。肢體厥逆。惟心
胸有熱。以涼膈散養陰退陽。不宜速下。大便不祕者。
以黃連解毒湯調之。故凡厥證可速下者。內有燥糞
也。必以手按人之臍腹。上下左右。或硬或痛。或腹中
轉氣下失極臭者。有燥糞也。乃可下之。宜調胃承氣

湯近有陽證。自腰以上常熱。兩腳常冷。蓋三陰脈上不至頭。故陰證頭不痛。三陽脈下不至足。故陽證亦足冷也。孫兆曰。凡陰證脛冷。兩臂亦冷。若脛冷臂不冷。則非下厥上行。所以知是陽微厥也。陽厥雖曰陽邪在裏。甚不可下。蓋傷寒以陽爲主。厥逆有陰進之象。若復用苦寒下之。則陽益虧矣。是在所忌。宜四逆散。輕劑以和之。又有邪傳厥陰。誤下厥逆。寸脈沈遲。尺脈不至。咽喉不利。吐膿血。泄利不止。麻黃升麻湯主之。凡傷寒陰厥者。初病無身熱。頭痛。便就惡寒。直

至臂脛以上。過乎肘膝。引衣蹠臥。不渴。或兼腹痛吐瀉。小便清白。或淡黃。切其脈沈遲微細無力。此爲陰經直中眞寒證。不從陽經傳入。自是白通四逆一派。又有初是陽經傳陽經。或因復着外寒。或因誤服涼藥太過。或因誤下而致虛極。則積陰盛於下。陽氣衰於上。變成陰證。眞武湯加人參。又有病者手足厥冷。言我不結胸。小腹滿。按之痛者。此寒氣結在膀胱關元也。四逆湯加吳茱萸。大抵陽厥邪熱轉入。轉深。狂亂譫妄。必然神志昏憤。人事迷惑。陰厥便利不渴。身

踈多臥醒。則人事了。了神志清明。此大端也。若溫病厥逆。無陰厥。雜氣伏鬱。陽熱內迫。格陰於外。氣閉不能達於四肢。甚有通身冰涼。其脈多沈滑。或沈伏。或沈細欲絕。或六脈俱閉。所云體厥脈厥是也。證多怪異。不測之狀。輕則升降散增損雙解散。加味涼膈散。重則加味六一順氣湯。解毒承氣湯。斟酌下之。豈可與傷寒陽厥並論哉。若數下後。厥不同。熱不退者。死。亦有下數十次。利下數十行。厥方回。熱方退。而得生者。正所云急證急攻。下之或可活。不下必死無疑矣。

此則溫病厥逆治法也。外有壞病多厥逆煩燥者。不獨陽極陰極也。當辨陽傷陰傷治之。陽傷則宜滋養後天胃氣。兼助下焦真陽。補陰益氣煎。或大溫中飲。陰傷則宜滋補先天真陰。兼清血中之熱。左歸丸料。或六味地黄丸料。俱加青蒿地骨皮。是在臨證活法。不得如初病厥逆例治也。

大便自利

自利者。不因攻下。自然溏瀉也。要在辨寒熱而治之。庶幾無差。大抵傷寒陽熱之利。與陰寒之利不同。陽

利渴欲引水小便色赤或深黃發熱後重糞色焦黃
或爲腸垢所去皆熱臭臍下必熱得涼藥則愈若陰
利則不渴小便色白或淡黃厥逆脈沈遲洞下清穀
或爲驚澹糞色淡黃或白臍下多寒得溫補藥則愈
三陽下利身熱太陰下利手足溫少陰厥陰下利身
涼無熱此其大概耳傷寒合病家皆作自利太陽陽
明合病下利葛根湯太陽少陽合病下利黃芩湯少
陽陽明合病下利小柴胡湯加葛根白芍合病發熱
自利皆爲表邪不可例以爲裏證也唯有陽明一證

脈浮而遲。浮為風。遲為寒。表熱裏寒。內寒外熱。下利清穀者。胃中虛冷。

不能化穀。四逆湯以溫中止利。則裏氣和而表邪散矣。自

利不渴屬太陰。以其藏有寒也。當溫之。宜四逆輩。則

宜用理中湯。可知矣。若寒甚厥逆脈沈者。附子必加

之。若腹滿小便不利者。宜五苓散。合理中湯。若嘔者。

加半夏生薑。自利而渴屬少陰虛。故引水自救。下利

脈微者。與白通湯。以通其陽而消其陰。利仍不止。厥

逆無脈乾嘔煩者。白通加人尿豬膽汁湯。借膽汁嚮

導之力。以引湯藥深入。服湯後脈暴出者。死。氣因泄

脫也。脈續出者生。陽氣漸復也。少陰病腹痛小便不利。四肢沈重疼痛。自下利者。此爲有水氣。或咳。或嘔。或小便利者。真武湯。去白芍。加乾薑。以運脾滲水。爲務。少陰病。下利清穀。裏寒外熱。手足厥冷。脈微欲絕。身反不惡寒。面時色赤。通脈四逆湯。少陰病吐利。手足厥冷。煩燥欲死者。吳茱萸湯。少陰病下利六七日。咳而嘔渴。心煩不得眠者。豬苓湯。自利不止。裏寒下脫。此利在下焦。赤石脂禹餘糧湯。服湯後利仍不止。當利其小便。與豬苓湯。少陰病四逆。或咳。或悸。或小

便不利。或腹中痛。或泄利下重者。四逆散加薤白。此亦陽邪傳至少陰。陷入於裏。而不得交通陽分。故不以苦寒攻之。而但以此散和之。少陰病。自利清水色青。心下必痛。口乾燥者。急下之。以存津液。大承氣湯。蓋熱邪傳入少陰。逼迫津水。注爲自利。質清而無渣穢相雜。色青而無赤黃相間。此正陽邪暴橫。反類陰邪。但陽邪傳自上焦。其人心下必痛。口必乾燥。設係陰邪。則心下滿而不痛。口中和而不燥。必無此枯槁之象。故宜急下以救其陰也。厥陰下利清穀。裏寒外

熱汗出而厥者。通脈四逆湯。下利腹脹滿。身體疼痛者。先溫其裏。四逆湯。乃攻其表。桂枝湯。此總以溫裏爲急也。下利脈大者。虛也。以強下之太早。故也。設脈浮革。因而腸鳴者。當歸四逆湯。大汗出。熱不去。內拘急。四肢痛。又下利厥逆而惡寒者。四逆湯。惡寒脈微而復利。利止亡血也。蓋亡血本不宜用薑附以損陰。陽虛又不當用歸芍以助陰。此利後惡寒。陽氣下脫已甚。故必用四逆湯以復陽爲急也。再加人參則陽藥愈爲得力。陽生則陰長。設用陰藥必致腹滿不食。

或重加泄利嘔逆轉成下脫而死矣。下利譫語者有燥糞也。蓋下利則熱不結胃不實。何緣得有譫語。此必熱反於胃。內有燥糞。故雖下利而結者自若也。必用小承氣湯。以蕩熱潤燥。微攻其胃則愈。熱利下重。與下利欲飲水者。以有熱在腸胃故也。俱宜白頭翁湯。下利後更煩。按之心下濡者。爲虛煩也。宜梔子豉湯。若溫病怫鬱內盛發熱煩渴。小便色赤。大便自利。升降散主之。內熱甚而利不止。燥悶狂亂者。增損三黃石膏湯。加酒大黃。腹滿痛更加之。挾熱下利者。因

其人大便素澹。邪忽乘胃。便作煩渴。午後潮熱。便作瀉泄。宜升降散。小承氣湯。徹其餘邪。而利自止。熱結傍流者。以胃家實。邪熱壅閉。大便先秘。續得下利。純臭水。全然無糞。以加味六一順氣湯下之。得結糞而利立止。若不得結糞。仍下臭水。及所進湯藥。因大腸邪深。失其傳送之職。知邪猶在也。再以前湯重下之。虛甚則宜黃龍湯。此內經通因通用之法也。大抵下利。脫氣至急。五奪之中。惟此爲甚。故不厭詳審。傷寒下利。日十餘行。脈反實大者。死。傷寒發熱。下利至甚。

厥不止者死。夫厥證。但發熱則不死。以發熱則邪出於表。而裏證自除。下利自止也。若反下利。厥逆有加。則其發熱。又爲眞陽外散之候。陰陽兩絕。故主死也。傷寒發熱。下利厥逆。燥不得臥者死。夫燥不得臥。腎中陽氣越絕之象也。下利手足厥逆。皆爲危候。以四肢爲諸陽之本也。加以發熱燥不得臥。不但虛陽發露。而眞陽亦燦盡無餘矣。安得不死。金匱要略曰。六府氣絕於外者。手足寒。五藏氣絕於內者。利不禁。氣已脫矣。孰能治之。

大便膿血

長沙著便膿血。無死證。世醫用溫熱之藥。因或得痊。殊不知此證屬熱者十之九。古人云。見血無寒。又云。血得熱而妄行。溫熱之藥。豈可輕投。如傷寒太陽病。誤發淋家汗。因便膿血。宜豬苓湯。由小便淋瀝所致。利其小便自愈。經曰。淋家不可發汗。發汗則便膿血。是也。太陽病。以火薰之。不得汗。其人必燥。到不解。必清也。圍也。血黃連阿膠湯。陽明病。無表裏證。發熱。雖脈浮數。可下。下之脈數不解。下利不止。協熱便膿血者。地榆散。二證乃熱勢迫

血下行。折其火邪自愈。其在少陰。下利便膿血。不腹痛。與四五日腹痛。小便不利。便膿血者。俱桃花湯主之。蓋調正氣。瀉滑脫。亦辛以散之之意也。又少陰。七八日。一身手足盡熱。以熱在膀胱。必便血也。此藏府合病。白頭翁湯主之。厥陰。先厥後熱。下利必自止。若不利。必便膿血。又厥少熱多。其病當愈。四日至六七日。熱不除者。必清膿血。又下利脈數而渴者。令自愈。設不瘥。必清膿血。又下利寸脈反浮數。尺中自瀉者。必清膿血。四證皆傳經之熱邪也。悉白頭翁湯主

之。若溫病。怫熱結滯。火勢下注。陽實陰虛。大便膿血。甚如豚肝。如爛瓜肉。屋漏水者。大清涼散。增損三黃石膏湯。或當歸導滯湯。加減消息治之。予用升降散治此大證而得愈者。若許人。真神方也。

小便不利不通

凡傷寒小便不利。當分六經施治。不可與雜證同論。而溫病小便不利。又不可與傷寒同論也。太陽病汗下後。仍頭項強痛。發熱無汗。心滿微痛。小便不利者。桂枝去芍桂加白朮茯苓湯。太陽病發熱脈浮煩渴。小

便不利者。五苓散。但有汗多者不可用也。陽明病。脈浮發熱。渴欲飲水。小便不利者。豬苓湯。若汗多者。小便原少不可用也。若脈洪大。舌燥飲水。小便不利者。白虎湯。或玉泉散。合六一散亦可。若大便乍難乍易。小便不利而熱者。此有燥糞也。調胃承氣湯。若頭汗出。壯熱渴飲水漿。小便不利者。必發黃也。茵陳蒿湯。加木通。滑石。少陽病。發熱口渴。或嘔。或心下悸。小便不利。脈弦數者。小柴胡湯。加白茯苓。口乾燥。去半夏。加陳皮。麥冬。竹葉。太陰病。腹滿自利。小便不利。無熱。

脈沈者。理中湯。合五苓散。加厚樸木香。分利其水。而大便自實也。少陰病。四五日小便不利。四肢重沈。自下利者。真武湯。少陰病。四逆。或咳。或悸。或瀉利。下重。或小便不利者。四逆散。加白茯苓。厥陰病。寒閉厥逆。脈沈囊縮。小便不利者。四逆湯。加木通白茯苓。或灸氣海關元。或以葱白搗炒熨法治之。大抵膀胱爲津液之府。氣化而能出。若有汗多者。津液外泄。小便自少。不可利之。恐亡津液也。待汗止。小便自行矣。若溫病。小便不利。因陽明熱鬱。氣結不舒。故小水滯滯而

短少也。以升降散通之。則清氣一升。而濁氣自下降矣。亦有心熱小便不利者。宜小復甦飲。又小便不通。其因有二。有熱鬱者。有寒凝者。溫病皆熱鬱。用元明粉。芒硝亦可。三錢。雞子清一枚。蜂蜜三匙。和一處。或新汲水。或燈心煎湯。或車前草汁調服。甚則以解毒承氣湯下之。利水無益也。傷寒有熱鬱。亦有寒凝。寒則茯苓四逆湯。或以鹽入臍中。蒜片蓋之。堆艾葉於上。灸七壯自通。或以炒鹽熨臍。並治腹痛。皆妙法也。熱則以八

正散通之。

以寒溫分血分
此語解傷寒
症病言簡意該
透骨徹髓業醫
得此如夢初覺
千古疑案兩言
而定

續論曰。傷寒小便不利。以脈浮者屬氣分。五苓散。脈
沈者屬血分。豬苓湯。而溫病之小便不利。脈浮者屬
氣分。豬苓湯。脈沈者屬血分。承氣湯。蓋傷寒自氣分
而傳入血分。溫病由血分而發出氣分。不可以此而
礙彼也。

小便自利

傷寒小便不利。正因不當利而反自利也。如太陽陽
明自汗。不應小便利。而反自利者。寒為膀胱不禁。熱
為畜血使然。是以傷寒之一證也。安得不辨治乎。太

陽小便自利。以飲水多。必心下悸。桂枝甘草湯。身黃。小便當不利。今反自利。其人如狂。下焦畜血也。代抵當湯丸。二便俱自利。六脈沈遲。四逆湯。陽明自汗。應小便不利。而反自利。津液內竭也。糞雖硬。不可攻。宜蜜煎導法。一法以白菜自然汁。火麻仁汁。生芝麻汁。等入蜂蜜三匙調服。一二次自下。凡大便閉。小便自利。知其熱在內也。宜承氣輩。大便通。小便清白。自利。知其內虛寒也。宜四逆輩。若溫病。小便自利。無陰證。乃邪熱干於血分。畜血尿血。邪留欲出。小便數急。膀胱

不約而自遺也。升降散。或桃仁承氣湯。去桂。加丹皮。牛膝。枳殼。合黃連解毒湯。去其邪熱。自愈。

小便數

小便數者。順來而短少也。膀胱積熱。熱則小便濇。乃水行不快。淋瀝而數起也。在傷寒。自外傳內。五苓散。豬苓湯。在溫病。由內達外。神解散。升降散。又太陽傷寒。脈浮大。自汗。腳攣急。心煩。微惡寒。小便數者。此虛寒所致。桂枝加附桂湯主之。不可行桂枝湯。得之便厥。咽乾吐逆。煩燥譫語。與甘草乾薑湯以復其陽。厥

愈足溫。再與芍藥甘草湯。其腳卽伸。若陽明猶有餘風生熱。胃氣不和。譫語者。少與調胃承氣湯和之。又小便數。腎與膀胱俱虛。客熱乘之。爲虛不能制水也。人參三白湯。加熟地。黃柏。知母。麥冬。

心悸

悸者。心中築築然動。怔忡不安也。傷寒心悸之由。不過氣虛。停飲。兩端。氣虛。由陽氣內弱。心下空虛。正氣內動。而爲悸也。小建中湯。甚則大建中湯。或人參三白湯。脈沈心悸。頭眩身瞶。振真武湯。停飲。由水停心。

下。心屬火而惡水。水既內停。心不自安而悸。茯苓甘草湯。或五苓散分利之。脈結代。心動悸。炙甘草湯。又發汗過多。其人必叉手冒心。心悸喜按。桂枝甘草湯。甚則炙甘草湯。又發汗過多。心液虛耗。臍下悸者。欲作奔豚。腎乘心虛上凌而剋之。故動惕于臍間。茯苓桂枝甘草大棗湯。寒熱心悸。小便不利。心煩喜嘔。小柴胡湯。心神不甯。怔忡不眠。朱砂安神丸。若溫病心悸。鬱熱內盛。火性上衝。加味涼膈散。增損三黃石膏湯。看兼證消息之。

瘧

痙者。如角弓反張也。以背爲總筋。筋急而縮之故。由於濕生熱。熱生痰。痰生風。風火彌甚。木勝剋土。筋不能榮。輕則瞶惕瘰癧。手足戰掉。重則鼻煽目直頭折。臂反在傷寒以六一順氣湯下之。在溫病以加味六一順氣湯下之。蓋瀉土所以瀉木也。若傷寒有不可下者。以四物湯合桂枝湯加黃連。吳茱萸炒黃芩。防風。鉤。藤。鈞。則血和。風火自滅也。

肉瞶筋惕

瞶者。肌肉蠕動。惕者。筋脈動跳也。此因發汗攻下太

過邪熱未解。血虛氣奪。筋肉失其所養。故惕惕而跳動也。凡傷寒。惕瞶兼肢冷者。真武湯。輕者桂苓甘朮湯。汗下後。虛極而惕瞶者。人參養榮湯。大建中湯。汗下後。虛極。煩而不得眠。惕瞶者。加味溫膽湯。若不經汗下。而肉瞶筋惕。潮熱來尤甚。大便必秘。小便赤澀。以手按臍。傍硬痛。此燥糞也。大柴胡湯。加芒硝。如初病。便見肉瞶筋惕。必先元氣虛損。或失血。房室勞役。及新產崩漏。致有是證。人參養榮湯。若誤用表藥。必無生理。倘不詳辨寒熱虛實。而欲治之。無差難矣。若

溫病而見惕瞶之證。此陽明火毒陷入厥陰。陽明主潤宗筋。燔灼津液。弗榮而動。加味六一順氣湯。解毒承氣湯。消息治之。設有虛而惕瞶者。必入四損不可正治之條。一實一虛。其脈證畢竟有辨。隨證變治。全賴醫者活法耳。

舌捲囊縮

扁鵲曰。舌捲囊縮者死。然在古人雖曰死證。亦不可不盡心以救之。但有因熱極而捲縮者。有因寒極而捲縮者。要在詳細辨之。凡熱極者宜下。傷寒從三陽

熱證傳至厥陰。而見此證者。乃肺氣燔灼。水受火困。而不得舒縱。訥菴云。陽明之熱。陷入厥陰。陽明主潤宗筋。宗筋爲熱所攻。弗榮而急。引舌與舉丸。爲熱極危殆之候。男子則囊縮。婦人則乳頭縮。如脈實便秘。口渴煩滿之極。六一順氣湯加黃連。若溫病邪鬱中焦。流佈上下。以致肺肝受傷。水不勝火。陰不敵陽。筋脈弗榮。故有此證。加味六一順氣湯。或解毒承氣湯。凡寒極者。宜溫。傷寒始病。無熱惡寒。便厥逆無脈。而見此證。乃厥陰虛寒。內則經血失養。而引急不舒。外

則肢體蹇曲而下部不溫。乃肝氣垂絕之候。急用四逆湯。加人參、肉桂、吳茱萸、黃芩溫之。並灸關元氣海。及葱熨法。溫病無陰證。

循衣抹牀

華陀曰。傷寒循衣抹牀者死。傷寒論曰。傷寒若吐若下後不解。不大便五六日至十餘日。日晡潮熱。不惡寒。獨語如見鬼狀。若劇者發則不識人。循衣抹牀。惕而。不安。微喘直視。脈滑者生。澀者死。微者但發熱譫語。大承氣湯主之。若一服利止後服。又曰。傷寒手足

小便利則水出
高源肺氣不逆
可知也膀胱化
行腎水不枯可
知也故曰可治

燥擾。捻衣抹牀。小便利者。其人可治。可見此證。非大
實。卽大虛。但參其證。審其音。察其脈。而分治之。實而
便秘。大承氣湯。虛極熱極。不下必死者。黃龍湯。虛而
無滑。獨參湯。厥逆。加附子。若亡血者。又當用生地黃
連湯。大抵陰陽二氣將絕者。則妄言撮空也。婁全善
曰。嘗治循衣抹牀數人。皆用大補氣血之劑。一人兼
購振脈代。遂於補劑中加肉桂。分五亦振止脈利而愈。
汪訥菴曰。妄言撮空。有因氣虛陽脫而然者。皆宜用
參附補劑。兩說確有至理。若溫病陽明邪熱亢閉。上

乘心肺。致令神志昏憤。多有撮空之證。宜解毒承氣湯下之。如火盛精枯。用熟地一兩。歸身七錢。山藥五錢。煮湯入前藥煎服。每收奇功。若久病神昏。氣血陰陽四損者。自當從婁汪之說而消息之。

按脈弦者生之。弦字當是滑字。弦為陰負之脈。豈有必生之理。惟滑脈為陽。始有生理。沉滑者通也。濡者塞也。凡物之理。未有不以通為生而濡為死者。宜改之。

煩燥

煩者。心不安而擾擾。心胸溫怒。如有所解。外不見形。為熱尚輕。燥者。身不安而憤亂。手足動掉。若無所指。

內外不甯。為熱最劇。凡傷寒表邪熱盛。脈浮緊。不得汗出而煩燥者。大青龍湯。大熱錯語呻吟。乾嘔不眠。煩燥脈數者。黃連解毒湯。或竹葉石膏湯。內有燥糞。繞臍腹痛煩燥。調胃承氣湯。誤汗誤下。病仍不解。煩燥者。茯苓四逆湯。脈必沈細。乃可用之。少陰病。身微熱。脈沈細。手足厥而煩燥者。四逆湯。面赤者。加葱白。若無脈。乾嘔煩燥者。白通加人尿豬膽汁湯。少陰病。吐利厥逆。煩燥欲死者。吳茱萸湯。少陰病。下之後。誤下

傷陰復發汗。誤汗晝日煩燥。陽虛生煩夜而安靜。可徵裏寒

不嘔不渴。

可徵內無實熱。

無表證。

頭不痛不惡寒。

脈沈微。

沈為在裏微為陽虛。

身無大熱者。

可徵陽微。

乾薑附子湯。凡陰極發燥欲坐井

中。或投枕水中臥者。厥逆脈沈微。一息七八至。按之

則無。但欲飲水不得入口。此陰盛格陽。氣欲脫而爭。

譬如燈將滅而暴明矣。乾薑附子湯。加人參以接真

陽之氣。或可救療。一方以艾湯調服硫黃末。

二錢。翌時

汗出乃愈。若溫病。表裏三焦大熱。渴欲引飲。煩燥不

安。多現奇怪不測之狀。增損三黃石膏湯。增損雙解

散。升降散。三方並為對證之劑。予每隨證用之。救壞

病而得生者若許人。真希世之珍也。其共寶之。大抵
不經汗下而煩燥者爲實。汗下後煩燥爲虛。內熱曰
煩。謂心中鬱煩也。乃爲有根之火。故大煩不燥爲可
治。外熱曰燥。謂氣外熱燥也。乃爲無根之火。故但燥
不煩爲不可治。經論少陰病有曰四逆惡寒脈不至。
不煩而燥者死。煩與燥可治不可治判然矣。凡結胸
證悉具。煩燥者死。發熱下利厥逆燥不得眠者死。少
陰吐利煩燥四逆者死。煩燥爲有常之病。復有不治
之證。傷寒溫病皆然。臨病之工當詳細辨之。

懊懣

懣卽惱字
古人通用

懊懣者。鬱鬱然不舒。憤憤然無奈。比之煩燥而更甚也。凡傷寒發汗吐下後。虛煩不得眠。劇者反覆顛倒。心中懊懣。與陽明病下之。其外有熱。手足溫而不結胸。心中懊懣。饑不能食。但頭汗出。二者爲邪熱鬱於胸中。須梔子豉湯吐之。以湧其結熱也。陽明病下之。心中懊懣而煩。胃中有燥糞。與陽明病無汗。小便不利。心中懊懣者。必發黃。二者爲邪熱結於胃中。須大承氣湯。茵陳蒿湯下之。以滌其內熱也。若溫病懊懣。

爲熱毒蘊於胸中。加味涼膈散。或熱毒鬱於胃中。解毒承氣湯。識此等證候者。吐下之不差。湯劑之適當。則無不可愈之疾矣。一或當吐反下。治熱以溫。則變證百出。斑生黃發者。比比也。爲醫者。請精究之。

怫鬱

怫鬱者。陽氣怫鬱。面色緣緣正赤也。傷寒汗出不徹。陽氣怫鬱在表。不知痛處。須發汗乃愈。桂枝麻黃各半湯。若腹痛潮熱。脈大而數者。因大便不通。火氣上炎。而作面赤。大柴胡湯。時有微熱。怫鬱不得眠者。調

胃承氣湯。吐汗下後虛極。胃中虛冷。外氣怫鬱。乃假
色現於面而內寒也。理中湯加葱白。冷甚加附子。少
陰。下利清穀。裏寒外熱。面色赤者。四逆湯加葱白。若
溫病無陰證。滿面色赤。目紅如硃。煩燥飲水者。此熱
毒怫鬱也。增損三黃石膏湯。內實潮熱不大便。增損
大柴胡湯。或加味涼膈散。大抵傷寒陰證。怫鬱併汗
吐下虛者。自是面赤而不光彩也。若傷寒陽證。表不
解。溫病內實熱甚者。赤而光盛也。不可但見面赤便
以爲熱證也。須辨之。

鬱冒

鬱爲鬱結而氣不舒。冒爲昏冒而神不清。俗謂昏迷是也。皆因虛乘寒所致。傷寒論曰。諸虛乘寒者。則爲厥。鬱冒不仁。此正寒氣乘虛中於人也。駱龍吉以附子湯加天麻川芎乾薑之類治之。傷寒論曰。太陽病先下之不解。因復發汗。以此表裏俱虛。其人因冒。冒家汗出自愈。由表和也。若不得汗不解者。以人參三白湯加天麻川芎。下虛脈微。加附子溫經。乃固本也。昏冒耳聾。非大劑溫補不能取效。滋苗者必固其本。

伐下者必枯其上。此之謂也。陽明病。小便不利。大便
乍難乍易。時有微熱。喘冒不能眠。有燥糞也。調胃承
氣湯。少陰病。下利止而頭眩。時時自冒者死。以虛極
而脫也。若溫病蓄熱內逼。脈道不利。反致脈沈細。或
閉而鬱冒欲死者。加味涼膈散。加味六一順氣湯之
類治之。此事難知。曰傷寒。心下不痛。腹中不滿。大小
便如常。或傳至十日以來。漸變神昏不語。或睡中獨
語一二句。目赤唇焦。舌乾不飲水。稀粥與之則嘔。不
與則不思。形如罪人。此熱傳少陰。心經也。因心火逼

肺所以神昏。蓋肺為清肅之令。內有火邪故也。若脈

在丙者。脈浮是也。宜導赤散。脈在丁者。脈沈是也。大黃黃連瀉

心湯。丙丁俱熱者。導赤瀉。心各半湯。在溫病火邪逼

肺。神昏不醒。大復甦飲主之。蓋心經透出邪火。與火

邪之越經而傳於心。及汗多亡陽者。皆心神不足故

也。醫者不識此證。便以為將死。因之誤治者多矣。最

要忌。灸。灸則愈增其熱。最要忌。下。與食則嘔。邪不在

胃也。誤下則亡其陰。傷寒溫病極多。此證不可不辨

也。活人書曰。傷寒瘥後。又云傷寒後不瘥。或十數日。或半月

二十日終不惺惺。當昏沈似失精神。言語錯謬。或無寒熱。或寒熱如瘧。或朝夕潮熱。都是發汗不徹。餘毒在心胞絡所致也。宜知母麻黃湯。溫覆令微汗。若心煩不眠。欲飲水。當稍稍與之。胃和即愈。未汗須再服。以汗爲度。此說亦有理。愚謂須是傷寒。不曾大發汗。及病以來。身無汗者。尤爲相宜。或於知母麻黃湯中。加酒炒黃連尤妙。若治溫病。清熱導滯。自能汗解。並無正發汗之理。安得有汗出不徹之後證乎。此中玄妙。但可爲知者道也。

動氣

動氣乃藏氣不調。肌膚間築築跳動。於臍傍上下左右。及左乳之下。曰虛里者。皆其所聯絡者也。故動之微者。止於臍傍。若動之甚。則連及虛里。並心脇。真若舂舂然連續。而渾身振動者。此天一無根。故氣不蓄藏。而鼓動於下。誠真陰守失。大虛之候也。卽在病者。不痛不癢。尙不知爲何故。醫家不以爲意。弗能詳辨。誤治者多矣。活人曰。諸動氣者。不可發汗。亦不可下。以邪之所湊。其氣必虛。卽傷寒虛者。不可汗下之例。

卽有汗下之證。但解散微和胃氣可也。古人治法。以
誤汗則傷陽。陽傷則邪併于氣。而氣上冲。或咳嗽眩
暈。或心煩惡寒。並宜五苓散加酸棗仁。以降斂之。誤
下則傷陰。陰傷則虛陽不禁。而氣下奪。或身熱踈臥。
或下利汗出。並宜大建中湯。理中湯。倍加桂苓。急溫
其裏。則虛熱不治自息。此其意在脾胃虛寒困憊。概
可知也。余治此證。則惟直救真陰。以培根本。使氣有
所歸。無不獲效。右腎虧損。則以腎氣丸。右歸丸。左腎
虧損。則以六味丸。左歸丸。或作丸料煎飲。傷寒論曰。

少陰脈不至。腎氣微。少精血。奔氣促迫。上入胸膈。此

豚之氣結動於臍間而上逆凌心也。宗氣反聚。心胞之宗氣反聚而不下行。血結心

下。血結於心下。陽氣退下。退陷也。熱歸陰股。鬱熱歸于氣行。與

陰相動。與陰器之脈相動。令身不仁。此為尸厥。脈本無知。其狀若尸。當

亦動氣證也。天一無根。即此可徵。所云傷寒溫病四

損不可正治者。觀此可例其餘矣。

藏結

藏結。如結胸狀。飲食如故。時時下利。寸脈浮。關脈細

小沈緊。名曰藏結。舌上白胎滑者難治。註寸脈浮。知

邪結在陽也。關脈細小沈緊，知邪結在陰也。既結於藏，而舌上白胎滑，又爲胸寒外證。上下俱病，故難治也。又藏結無陽證，不往來寒熱，其人反靜，舌上胎滑者，不可攻也。註藏結於法當攻，無陽證爲表，無熱不往來，寒熱爲半表半裏，無熱其人反靜爲裏，無熱舌上胎滑者，以丹田有熱，胸中有寒，是表裏皆寒，故不可攻。蘊要主灸氣海關元穴，宜人參三白湯，加乾薑寒甚，加附子治之。緒論曰：舌白胎滑者，以其仍邪熱內結，所以生胎。若內無結邪，則胎不生矣。只因裏氣

素虛不能熏熱。故無陽證發現。以其本虛邪結。故爲難治。非不治也。謂不可攻者。以飲食如故。知邪不在胃也。時時自利。腸中亦無留結也。邪既不在腸胃。攻之無益。徒伐元氣耳。至於素有積痞。又加誤下。而邪結新舊。兩邪相搏不解。故死。然亦不可概爲死證。而委之不救也。調其陰陽。使之相入。黃連湯主之。有腹痛引脇下不可按者。附子瀉心湯。素有積痞。痛引陰筋者。四逆湯。加吳茱萸。按蘊要治法。與緒論治法。略有不同。而緒論較穩。貴在臨病者。詳證活法耳。要之

此皆論傷寒治法也。若溫病而見藏結之證。一有舌胎。便知熱邪內結。卽酌用神解散。大復甦飲之類。清解之。亦可與太極丸緩下之。庶幾可生。

狐惑病

狐惑者。傷寒溫病。失於汗下。不解所致。食少胃虛。蟲嚙五藏。故唇口生瘡。蟲食其藏。則上唇生瘡爲惑。蟲食其肛。則下唇生瘡爲狐。謂之狐惑者。如狐之猶豫不定也。其候齒燥聲啞。惡食。面目乍赤乍白乍黑。舌上胎白。唇黑。四肢沈重。喜眠。胃虛蟲食。殺人甚速。黃

連犀角湯主之。外用雄黃銳丸。納穀道中。

百合病

百脈一宗。舉身皆病。無復經絡傳次。故曰百合。大抵病後虛勞。藏府不調所致。其病似寒不寒。似熱不熱。欲食不食。欲臥不臥。默默不知苦所在。服藥卽吐。如見鬼狀。俱因病在陰。則攻陽。病在陽。則攻陰。藥劑乖違。故成百合病。通宜小柴胡湯。加百合知母粳米。血熱。用百合地黃湯。緒論曰。百合病。卽癯證之暴者。以肺熱葉焦。氣化不行。以致小便不利。又肺爲百脈之

總司。故通身經絡廢弛。百脈一宗。舉身皆病。宜百合地黃湯。蓋取百合之清肅肺氣。以利水道。則周身之陽火自化耳。按此亦傷寒溫病之後證也。

主客交病

凡人向有他病。疢羸。或久瘧瀉痢。或內傷瘀血。或吐血便血。男子遺精白濁。真陰枯涸。女子崩漏帶下。血枯經閉之類。以致肌肉消燂。邪火獨存。故脈近滑數也。此際一著溫病。醫家病家。見其穀食暴絕。更加身痛發熱。痞悶不眠。指爲原病更重。誤以絕穀爲脾虛。

以身痛爲血虛。不眠爲神虛。遂投參朮歸地茯神酸棗仁之類。愈補愈危。知者稍以溫病治之。發熱稍減。不時得醒。但治法不得要領。病終不解。六脈滑數不去。肢體時痛。胸脇刺痛。醫者以雜藥頻試。補之則邪火愈熾。瀉之則脾胃愈損。滋之則邪氣愈固。散之則經絡愈虛。疏之則精氣愈耗。日復一日。久之又久。伏邪與血脈合爲一致。彼此膠固。脈數身熱不去者。邪火與正氣並鬱也。肢體時痛者。邪火與榮血相搏也。胸脇刺痛者。邪火上結於膈膜也。主客交渾。最難得。

解。治法當乘其大肉未消。真元未敗。急用三甲散。多有得生者。更附加減。隨其證而調之。

婦女傷寒溫病

婦女六經治例。與男子無異。但多兼經候。調治爲難。經行之際。用藥必和中兼調血爲主。如傷寒自氣分傳入血分。表證居多。用生地四物湯。合麻黃湯。桂枝湯。葛根湯。小柴胡湯之類。隨證消息之。如溫病由血分發出氣分。裏證居多。用神解散。小清涼散。升降散。增損雙解散之類。隨證消息之。至于傷寒傳裏熱證。

治法與溫病雖異。而大略同。否則邪傷衝任。而爲熱入血室矣。若胎前產後。又當別論。此亦大概言之。神明則存乎人耳。

熱入血室

衝爲血海。卽血室也。衝脈得熱。血必妄行。在男子則下血譫語。在婦人則月水適來。惟陽明病。下血譫語。兼男子言。不僅謂婦人也。但以婦人經氣所虛。邪得乘虛而入。故病熱入血室爲多。然婦人熱入血室。有須治而愈者。有不須治而愈者。如傷寒論曰。婦人中

風發熱惡寒。經水適來。得之七八日。熱除而脈遲身

冷。邪氣內陷。表證罷也。胸脇下滿。如結胸狀。譫語者。此為熱入

血室。當刺期門。隨其實而瀉之。又曰。婦人中風七八

日。續得寒熱。發作有時。經水適斷者。此為熱入血室。

其血必結。故使如瘧狀。發作有時。小柴胡湯主之。二

者是須治而愈者也。又曰。婦人傷寒發熱。經水適來。

晝則明了。夜則譫語。如見鬼狀者。此為熱入血室。無

犯胃氣。及上二焦。必自愈。此不須治而愈者也。夫胸

脇滿如結胸。譫語。此言適來即斷。是邪氣留結於胸

脇而不去。血結在裏爲實證。必刺期門。隨其實而瀉之。不善刺者。以小柴胡湯。加梔子。丹皮。歸尾。桃仁。紅花。益母草。穿山甲。以消之。如熱盛神昏。但頭汗者。加酒。大黃微利之。以有瘀血。故頭汗出也。寒熱如瘧。發作有時。此言經行未盡。而適斷。雖有結血。未爲全實。以小柴胡湯。加丹皮。梔子。生地。歸尾。益母草。以清之。

胃不甚虛者。二證並去人參。

二者既有留邪。必須治之可也。在溫

病並宜增損。大柴胡湯。加歸尾。桃仁。穿山甲。若發熱。經水適來。晝則明了。夜則譫語。此則經水既來而不

斷。裏無留滯之邪。故晝日明了。但暮夜則譫語。俟經
盡。熱隨血散自愈。不可刺期門。犯胃氣。及用柴胡犯
上二焦也。在溫病亦宜小柴胡湯。去人參。加陳皮。丹
皮。梔子。黃連。益母草。以清其熱。又婦人傷寒。表虛。自
汗身涼。四肢拘急。脈沈而遲。太陽標病。少陰本病。經
水適斷。桂枝加附子紅花湯。又婦人傷寒。汗解。表除。
熱入血室。擾其榮血。經水過多。不受補益。宜芍藥甘
草湯和之。

妊娠傷寒溫病六經治例皆同。但要保胎爲主。傷寒外感風寒表證居多。宜汗。宜解。宜和。不過麻黃桂枝葛根小柴胡等湯。合四物湯。隨證治之。自愈。溫病內蘊邪熱裏證居多。不可發汗。急用護胎之法。井底泥塗臍。至關元。乾再易之。或以青黛伏龍肝爲末。水調塗之。若大熱乾嘔。錯語呻吟。增損三黃石膏湯。清化湯。若熱甚燥急。胎動不安。必須下之。慎勿惑於參朮安胎之說。奪其裏熱。庶免胎墜。蓋邪火壅鬱。胎自不安。轉氣傳血。胎胞何賴。酌用升降散。增損雙解散。加

至情至理屢經
屢驗

此段議論足開
後人茅塞矣

味涼膈散。或去芒硝以逐去其邪。則焰焯頓爲清涼。氣回而胎自固。反見硝黃爲安胎之聖藥。屢治屢效。子母俱安。若治之不早。以致腹痛如椎。腰痛如折。服藥已無及矣。古人所以有懸鐘之喻。梁腐而鐘未有不落者。在裏證溫病與傷寒治法大略同。或曰孕婦而投硝黃。設邪熱未逐。胎氣先損。當如之何。余曰不然。結糞瘀邪。腸胃中事也。胎附於脊。腸胃之外。子宮內事也。大黃直入腸胃。鬱結一通。胎得舒養。是興利除害於頃刻之間。何慮之有。內經曰。有故無殞。亦無

殞也。正此之謂。但毒藥治病。衰去七八。餘邪自散。幸勿過劑。凡妊娠遇有四損者。不可以常法正治。當從其損而調之。產後同法。非有損而誤補必危。芒硝有化胎之說。不可輕投。若至燥實。非此不可解。救。有病當之。全無妨礙。不必去也。

產後

產後。傷寒。不可輕汗。溫病。不可輕下。蓋有產時傷力發熱。去血過多。發熱。惡露不行。發熱。三日蒸乳。發熱。或起早動勞。飲食停滯。亦皆發熱。要在仔細辨之。大抵產後大血空虛。若誤汗誤下。則亡陽亡陰之禍。更

難解救。凡有發熱。且與四物湯。歸芎爲君最多。生地
白芍。須用酒炒。合小柴胡湯。加金銀花。澤蘭葉。益母
草。少佐乾薑最妙。蓋乾薑之辛熱。能引血藥入血分。
能引氣藥入氣分。且能去瘀血。生新血。有陽生陰長
之道。以熱治熱。深合內經之旨。如有惡露未盡者。黑
龍丹。必兼用之。如有積熱停滯者。麻仁丸。大柴胡湯。
必兼用之。不可執泥丹溪之說。胃虛食少者。必加白
朮。茯苓。痰飲嘔逆者。必加陳皮半夏。但藥中必主以
四物人參。乃養血務本。滋陰降火之要務也。卽偶爾

傷寒。或遭溫病。亦須調理血氣爲主。傷寒內虛外感。以大溫中飲。理陰煎。無汗用麻黃。有汗用桂枝等湯。頭痛用羌活川芎之類。加減治之。溫病怫熱內熾。用三合湯。加減治之最妙。如萬不能不下。升降散無妨。增損雙解散。去芒硝黃連。加生地川芎。尤爲對證之藥。其餘脈證治法。與男子同。

小兒溫病

凡小兒感冒。傷風傷寒。咳嘔瘧痢等證。人所易知。至染溫病人多不料。亦且難窺。所以擔誤者良多。且幼

科專於痘疹疳積吐瀉驚風併諸雜證。在溫病則甚略之一也。古人稱幼科爲啞科。蓋不能盡罄所苦以告醫。醫又安得悉乎問切之義。所以但知不思乳食。心胸膨脹。疑其內傷乳食。不知其爲溫病。熱邪在胃也。但知嘔吐惡心。口乾下利。以小兒吐利爲常事。不知其爲溫病。協熱下利也。但知發熱。不知其頭痛身痛也。凡此何暇致思。爲溫病二也。小兒神氣嬌怯。筋骨柔脆。一染溫病。延挨失治。便多二目上吊。不時驚搐。肢體發痙。甚則角弓反張。必延幼科。正合渠平日

學習見聞之證多誤認爲急慢驚風轉治轉劇或將
神門眉心亂灸艾火雖微內攻甚急兩陽相搏如火
加油死者不可勝紀三也凡雜氣流行大人小兒所
受之邪則一旦治法藥餌亦相仿加味太極丸主之
升降散亦妙四五歲以下者藥當減半二三歲以下
者三分之一可也臨病之工宜酌量焉

加味太極丸 小兒溫病主方 凡治溫病方皆可隨證酌用

白僵蠶 二錢 酒炒 全蟬蛻 去土 二錢 廣薑黃 三分 川大黃 四錢 天

竺黃 一錢 膽星 一錢 冰片 一分

右七味。秤准爲細末。糯米濃湯和丸。如芡實大。冷黃酒和蜜。泡化一九。冷服。薄荷熬湯亦可。○
本方去天竺黃。膽星。冰片。卽升降散鍊蜜丸。卽
太極丸是也。用之便而且嘉。看證消息治之。

復病

凡瘥後無故復發熱者。以伏邪未盡也。謂之自復。當
問前得某證。所復某證。稍與前藥。以徹其餘邪。自然
獲愈。有溫病瘥後。或三五六日。反腹痛裏急者。非前
病原也。此別有伏邪所發。欲作滯下。邪盡痢止。不止

者宜當歸導滯湯。又有溫病瘥後。脈遲細而弱。或黎明。或半夜後。便作瀉泄。此命門真陽不足也。宜腎氣丸。或右歸丸。作湯劑服亦可。傷寒論曰。傷寒瘥後。更

發熱者。小柴胡湯主之。脈浮者。以汗解之。枳實梔子豉湯。脈

沈者。以下解之。枳實梔子豉湯。加大黃。又曰。傷寒瘥後。虛羸少

氣。氣逆欲吐者。竹葉石膏湯主之。又曰。大病瘥後。從

腰以下有水氣者。牡蠣澤瀉散主之。按如氣復。雖通身浮腫。似水氣

而不喘。別無所苦。與水氣不同。丹溪云。氣易有餘。又云。血者難成而易敗。大病愈後。氣先血而復。血不足

以配氣。故暫浮腫。又曰。大病瘥後。喜睡。久不了了者。靜養自愈。須辨之。

胃上有寒。飲也。理中丸主之。夫傷寒自外傳內。邪在陽分居多。瘥後易於復元。復病尚少。溫病邪熱自內達外。血分大爲虧損。無故最善反覆。如到熱退身涼。飲食能進時。服太平圓酒三次。十日之間。精血漸充。而病如洗。何至勞復。若因梳洗沐浴。多言妄動。遂至發熱。前病復起。惟脈不沈實爲辨。此爲勞復。傷寒論曰。大病瘥後。勞復者。枳實梔子豉湯主之。若有宿食者。加大黃少許。此破結除煩散熱之妙劑也。加大黃則又推蕩經滯矣。余謂氣爲火之舟楫。今則真氣方

長勞而復折。真氣既虧。火亦不前。如人欲濟舟楫已壞。其能濟乎。是火也。某經氣陷。火隨陷于某經。陷于經絡則表熱。陷于藏府則裏熱。虛甚熱甚。虛微熱微。輕則靜養可愈。重則大補氣血。俟真氣一回。則血脈融和。表裏通暢。所陷之火。隨氣轉輸。自然熱退而病痊矣。若直用寒涼剝削之劑。變證蜂起矣。傷寒多傷氣。宜五福飲。大營煎之類。溫病多傷血。宜補陰益氣煎。六味地黃丸料之類。隨證加減之。若因飲食所傷。或吞酸飽悶而發熱者。此爲食復。輕則梔子厚樸湯。

加神麩。或小柴胡湯。合梔子厚樸湯。重則神昏譫語。腹滿堅痛。欲吐不得。欲下不能。此危候也。以升降散。大柴胡湯。黃龍湯。涼膈散之類。酌量與服。有病則病當之。亦無妨也。大抵復病治法。溫病與傷寒。大同小異。貴在臨證活法耳。○內經。帝曰。熱病已愈。時有所遺者。何也。岐伯曰。諸遺者。熱甚而強食之故也。若此者。皆已衰。而熱有所藏。因其穀氣相搏。兩熱相合。故有所遺也。帝曰。治遺奈何。岐伯曰。視其虛實。調其逆從。可使必已也。帝曰。病熱當何禁之。岐伯曰。病熱少

愈食肉則復多食則遺此其禁也○吳又可曰裏證下後稍差而急欲食者此非得已以伏邪初散陰火乘虛擾亂故也慎勿便與粥食只宜先進稀糊次進濃者須少與之不可任意過食過食則復此一著最爲緊要世多忽之至于怒氣病復房勞病復者乃度量褊淺不自貴重之輩觀其脈證隨證救之更有嬌養成性過于謹慎之輩或傷寒表證方解或溫病裏證方退原不甚虛輒用參附溫補是因補而復以致不救者又不知凡幾病家醫家尤當深悟大抵治病

之法不可執一。總要脈證的確耳。古方未有不善者。偏於溫補而死。與偏於清瀉而死。其失等也。人之一身。陰陽血氣。寒熱表裏。虛實盡之。臨證者。果能望聞問切。適得病情。則溫清補瀉。自中病情矣。何得鹵莽粗疏。草菅人命哉。噫。難矣。

按已上證候七十餘條。俱從傷寒論中駁出。溫病證治之所以異。來令閱者了然于心。不以溫病爲傷寒。不以傷寒方治溫病。則患溫者自以不冤矣。但有輕者。有重者。有最重者。到底無陰證與傷寒外感不同。

溫病證候總括
讀之瞭如指掌

並非六氣爲病也。亦雜氣中之一耳。始則發熱頭痛
身痛。舌上白胎。漸加煩燥。渴飲水漿。或發熱而兼凜
凜。或先凜凜而後發熱。或晝夜純熱。或潮熱。或往來
寒熱。或眩暈。或嘔吐。或痰涎湧盛。或嘔汁如血。或口
舌乾燥。或咽喉腫痛。或咳嗽膿血。或喘呃吐衄。或心
腹痞滿。或胸脇脹痛。或大便不通。或小水自利。或前
後癰閉。或協熱下痢。或熱結旁流。或下血如豚肝。或
如膠粘。或水泄無度。有舌黃胎黑胎者。有舌裂者。有
舌生芒刺者。有舌色紫赤者。有唇崩者。有唇黑者。有

鼻孔如煙煤之黑者。有目暗不明。目赤。目黃。目瞑。目直視。目反折者。有頭汗。盜汗。自汗者。有手足心腋下汗者。有耳聾不聞聲者。有頭腫大如斗者。有喉痺頸腫。滴水不能下嚥者。有發狂如顛如癲者。有哭笑無常。如醉如癡者。有棄衣登高踰垣上屋者。有厥逆身冷如冰者。有譫語晝夜不眠者。有昏迷不省人事者。有詈罵不避親疏者。有畜血吐血。衄血。毛孔血。目血。舌血。齒縫血。大小便血者。有發黃者。有發斑者。有發疹者。有斑疹雜出者。有發頤疔瘡瘡者。有渾身火泡。

瘡帶白漿者有首尾能食者有絕穀一月不死者有

無故最善反覆者有愈後漸加飲食如常者有愈後

飲食勝常二三倍者有愈後耳聾眼花者有愈後退

爪脫皮落髮者至其惡狀甚有口噤不能張腿屈不

能伸脣口不住牽動手足不住振戰遺尿遺糞圓睜

口張咬牙嚼舌聲啞不語舌伸外攪沫如水浪項強

發瘡手足反張肉瞶筋惕骨痠足重舌捲囊縮循衣

抹牀見神見鬼凡此怪怪奇奇不可名狀等證有相

兼三五條者有相兼十數條者不可枚舉總因血氣

虛實之不同。藏府稟賦之有異。其受邪則一而已。及邪盡一切諸證如失。所云知其一萬事畢。知其要者一言而終。不知其要者。流散無窮。所以溫病無多方也。然而陰陽乘除。寒熱倚伏。表裏參錯。虛實循環。見之真而守之定。通乎權而達乎變者。蓋幾希矣。

又按古人謂望聞問切。乃臨證之首務。診治之要領也。明此四者。則六變具存。而萬病情形。俱在吾目中矣。醫之爲難。難在不識病本而誤治耳。誤則殺人。天道可畏。不誤則濟人。陰功無窮。學者欲明是道。必須

先察此要。以定意見。以爲階梯。然後再采羣書。廣其知識。熟之胸中。運之掌上。非止爲人。而爲己不淺也。慎之寶之。

又按傷寒自外之內。先傷氣分。溫病由內達外。先傷血分。故傷寒初感。利用發表。溫病初發。利用攻裏。傷寒後證多補氣。溫病後證多養血。溫病與傷寒實出兩門。自晉迄今。溫病失傳。無人不以溫病爲傷寒。無人不以傷寒方治溫病。動云先解其表。乃攻其裏。此仲景傷寒論也。所以溫病一二日內。遇陽明。腹脹滿。

痛之證。少陰口燥咽乾之證。厥陰舌捲囊縮之證。再不敢議下。明知厥深熱深之陽證。下之已遲。萬一僥倖。不過爲焦頭爛額之客。千餘年來。孰任殺人之辜。邪。

又按古今醫書。非不有溫病之條。然皆編入於傷寒之中。議論無非傷寒所用之藥。雖曰治溫病。實治傷寒之的方也。余謂此等方論。但治傷寒。未嘗不驗。若謬以治傷寒之方。而治春夏之溫病。是猶抱薪投火。蓋溫病自內達外。雖有表證。實無表邪。終有得汗而

解者必裏熱清而汗始出。前二節治法與傷寒不同。本朝陳良佐曰：春分後，秋分前，一百八十二日半，諸病皆不可發汗。汗之多亡陽矣。溫病尤忌。凡治正傷寒發汗解表，溫中散寒之藥，一概禁用。今特摘其尤者，如麻黃、桂枝、羌活、獨活、白芷、葛根、細辛、浮萍、蒼耳、蒼朮、艾葉、胡椒、故紙、茴香、肉桂、附子、乾薑、豆蔻、益智等味。古人亦未曾道破。余深體驗而知其不可以溫病無風寒與陰證也。但今醫家病家，未有不以溫病爲傷寒者。未有不以傷寒方治溫病者。此固風氣之

使然亦習俗之舊染也。舌敝唇焦，難以徧諭，須知生死有命，誤犯禁藥，不過輕重之分。苟從死後而追悔前方，愚矣。

又按仲景傷寒論用參薑桂附者，八十有奇。而溫病非所論也。伏邪內鬱，陽氣不得宣布，積陽爲火，陰血每爲熱搏，未解之前，麻黃桂枝不可沾唇。暴解之後，餘焰尙在，陰血未復，最忌參薑桂附。得之反助其壅鬱。餘邪伏留，不惟目下淹纏，日後必變生異證。或周身痛痺，或四肢拘攣，或留火結痰，或兩腿鑽痛，或勞

聖賢養心養性
之學亦不過是
大意于醫學中
得之

嗽湧痰。或毒氣流注。或痰核穿漏。皆驟補之爲害也。
大抵溫病愈後。調理之劑。投之不當。莫若靜養。節飲
食爲第一。而慎言語。謹起居。戒氣惱。寡嗜慾。皆病後
所宜留神也。

長沙傷寒論。天苞地苻。爲衆法之宗。羣方之祖。雜以
後人知見。反爲塵飯土羹。莫適于用。茲以自然之理。
引伸觸類。闡發神明。溫病一證。另闢手眼。卻不于長
沙論外。旁溢一辭。後有作者。不爲冥索。旁趨。得以隨
施。輒效。其利溥哉。文之悲壯淋漓。無論也。

畏齋

陳航氏